

## MANCOMUNIDADE DE CONCELLOS DO MORRAZO

### A N U N C I O

#### ORDENANZA FISCAL: TAXA POR ACTIVIDADES E SERVICIOS RELACIONADOS COA HIXIENE PÚBLICA

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local, en relación cos artigos 149 e seguintes, 137 e seguintes da Lei 5/97 do 22 de xullo, de Administración Local de Galicia, dos Estatutos da Mancomunidade de Concellos do Morrazo, e de conformidade co disposto nos artigos 15 a 20 da Lei 39/1988, de 28 de decembro, reguladora das Facendas Locais, modificada pola Lei 25/1998 do 13 de xullo, de modificación do Réxime Local das taxas estatais e locais e de reordenación das prestacións patrimoniais de carácter público, a Mancomunidade de Concellos do Morrazo establece a Taxa por Servicios e Actividades relacionados coa Hixiene á que se refire o artigo 20.4 da Lei 39/88 que se rexeirá pola presente Ordenanza Fiscal, con normas que atenden ó prevenido no artigo 58 da devandita Lei 39/1988, modificado asimesmo polo artigo 66 da Lei 25/1998 do 13 de xullo.

#### CAPÍTULO 1º FEITO IMPOÑIBLE

##### Artigo 1º.—DESCRIPCIÓN XENÉRICA

1. Constitúe o feito imponible da presente Taxa, tanto a prestación dos servicios públicos establecidos ou que poidan no futuro establecerse para a xestión das competencias locais en materia de Saubridade Pública, como a realización daquelas actividades que, provocadas por accións e omisións do Suxeito Pasivo, mesmo efectuadas sen contravención ás disposicións contidas na normativa vixente, diríxanse á execución dos actos materiais necesarios para a preservación ou restablecemento das condicións de Hixiene Pública preexistentes á produción da acción ou omisión.

##### Artigo 2º.—MANIFESTACIÓN DO FEITO IMPOÑIBLE

1.—Integran o feito imponible, as prestacións de servicios e a realización das actividades que se refírense seguidamente:

- a) A prestación do servicio, de recepción obrigatoria, de xestión de lixo domiciliario e residuos sólidos urbanos de vivendas, aloxamentos, locais e establecementos onde se exerzan actividades comerciais, industriais, profesionais, artísticas, de servicios ou cales-

quera outras de carácter meramente social efectuadas sen contraprestación.

A xestión de residuos comprende as fases de prerrecollida, recollida e tratamento.

A tal efecto, consideráanse lixo domiciliario e residuos sólidos urbanos ós restos e refugalllos de alimentación ou detritos procedentes da limpeza ordinaria de vivendas ou locais, excluíndose de tal concepto os residuos de tipo industrial, e materiais de obras, detritos humanos, materias e materiais contaminados, corrosivos e perigosos, e que a súa recollida ou tratamento esixa a adopción de especiais medidas hixiénicas, profilácticas ou de seguridade, tal e como establece a lei 10/1990 de 24 de Abril, ou que non estean comprendidos entre os sinalados pola Ordenanza ou Regulamento do servizo.

- b) A utilización das instalacións da Mancomunidade do Morrazo (propias ou conveniadas) para o tratamento daqueles residuos que deban ser recollidos fóra da prestación obrigatoria do servizo e teñan o carácter de residuos asimilables ós urbanos, a efecto de tratamento.
- c) A retirada de cadáveres abandonados de animais, xa se atopen na vía pública, xa en lugar privado, o seu transporte, e o posterior tratamento hixiénico-sanitario dos mesmos.
- d) Calesquera outras actividades ou servicios que, sen estar comprendidas nas letras anteriores, a súa realización ou prestación pode integrarse no feito imponible descrito no artigo 1º desta Ordenanza.

2.—Ós efectos da Taxa, é indiferente que o servizo se preste por xestión mancomunada directa —a través de órgano mancomunado ou empresas— ou por concesionario.

#### CAPÍTULO 2º SUXEITOS PASIVOS E RESPONSABLES

##### Artigo 3º.—CONTRIBUÍNTE

Son suxeitos pasivos, a título de contribuínte, as persoas físicas ou xurídicas e as entidades ás que se refire o artigo 33 da Lei Xeral Tributaria que, con referencia ás manifestacións de feito imponible recollidas no artigo anterior, se atopen nas seguintes posicións:

1º.—En relación á contida na súa letra a):

Os ocupantes ou usuarios das vivendas e locais nos lugares en que se preste o servizo, aínda que sexa esporádicamente, xa o sexan a título de propietarios ou por calquera outro: usufructuario, arrendatario, habitacionista ou mesmo de precario.

2º.—*En relación ás contidas na letra b).*

Os solicitantes das correspondentes e preceptivas autorizacións.

3º.—*En relación á contida na letra c):*

Os propietarios dun animal morto que fose abandonado en lugar público ou privado, cando a súa cualidade resulte de Rexistro Administrativo.

Os propietarios ou detentadores por calquera título do lugar público ou privado onde se encontrara o cadáver abandonado do animal, se non se dera a circunstancia prevista no guión anterior.

Os causantes directos da morte do animal, por atropelo ou por outra acción, cando non se deducirá de rexistro administrativo a identidade do propietario do animal morto.

4º.—*En relación ás contidas na letra d):*

Os suxeitos beneficiarios ou afectados pola prestación ou realización dos servicios ou actividades.

#### Artigo 4º.—*SUBSTITUTO DO CONTRIBUÍNTE*

Terá a consideración de suxeito pasivo substituto do contribuínte ó que se refire o artigo 3.1º desta Ordenanza, o propietario das vivendas ou locais, así como as Comunidades de Proprietarios —ás que poderán xirarse a totalidade das cotas que correspondan o inmovible—, sen prexuízo de que uns e outros, no seu caso, podan repercutí-las cotas satisfeitas sobre os usuarios, beneficiarios do servicio, conforme o artigo 23.2 a) da Lei 39/1988, de 28 de decembro, Reguladora das Facendas Locais.

#### Artigo 5º.—*CONCORRENCIA DE SUXEITOS PASIVOS*

A concorrencia de dúas ou máis persoas físicas ou xurídicas ou entidades ás que se refire o artigo 33 da Lei Tributaria na posición de suxeitos

pasivos, determinará a responsabilidade solidaria dos concorrentes fronte á Facenda da Mancomunidade.

#### Artigo 6º.—*OUTROS RESPONSABLES*

1. Responderán solidariamente das obrigacións tributarias do suxeito pasivo, as persoas físicas ás que se refiren os artigos 38.1 e 39 da Lei Xeral Tributaria.
2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades en xeral nos supostos e co alcance regulado no artigo 40 da Lei Xeral Tributaria.

### CAPÍTULO 3º BENEFICIOS FISCAIS

#### Artigo 7º.—*EXENCIÓNS E BONIFICACIÓNS*

Non se concederá ningunha exención ou bonificación no pago da taxa, salvo que por Lei estatal se establecese outra cousa.

#### Artigo 8º.—*REDUCCIÓNS*

1º.—Ó abeiro do establecido no art. 24.4 da Lei 39/1988, as cotas derivadas da aplicación da Tarifa nº 1, correspondentes á prestación do servicio de xestión de lixo domiciliario, reduciranse a metade da cota de vivendas para aqueles suxeitos pasivos nos que concorra a condición de

xubilados, pensionistas ou perceptores de axuda familiar, sempre que os seus ingresos anuais totais non superen o salario mínimo interprofesional vixente no período para o que se solicite a redución e non esten obrigados a presentar a declaración de I.R.P.F. nin a de Patrimonio.

A Xunta de Goberno recoñecerá previo informe dos servicios tributarios da Mancomunidade os dereitos de redución, mencionados no párrafo anterior, previa solicitude do/a interesado/a e aportación acreditativa na que conste a condición de xubilado, pensionista, o importe da pensión disfrutada, e a circunstancia de estar ó corrente no pago da taxa, aplicándose este beneficio no recibo correspondente. O impago dos recibos implicará a perda da redución aplicada, perxudicando ó dereito do exercicio corrente.

2º.—Terán unha redución do 100% aquelas suxeitos pasivos que sexan perceptores do RISGA.

Neste caso, o/a interesado/a, acreditará esta condición a través do certificado correspondente expedido pola Autoridade Administrativa que teña a competencia sobre esta materia. Esta condición deberá ser recoñecida con carácter anual, previa solicitude do/a interesado/a.

Na liquidación de cada exercicio, a Mancomunidade de Concellos do Morrazo coñecerá dos contribuíntes beneficiados e importes reducidos, poidendo revocar se da práctica das actuacións inspectoras se deducirá a súa improcedencia con independencia da derivación sancionadora.

3º.—Poderán solicitar unha redución da tarifa de ate un 50% aqueles produtores de lixo que fagan unha contribución destacada e efectiva ós

programas de recollida selectiva establecidos pola Mancomunidade e/ou aquelas industriais que xestionen pola súa conta os RSU producidos, e de acordo coas normas específicas que aprobe a Xunta de Goberno da Mancomunidade. Esta contribución deberá ser avaliada de forma medible e contrastada polos servicios técnicos. A solicitude de redución, informada polos servicios técnicos da Mancomuni-

dade deberá ser sometida á consideración da Xunta de Goberno, e terá unha vixencia máxima dun ano natural.

4º.—Terán unha bonificación do 10% aqueles contribuintes que acrediten de xeito efectivo que a vivenda da que son titulares está deshabitada durante a totalidade do período impositivo, previa solicitude do suxeito pasivo.

5º.—Terán unha redución da tarifa do 100% as seguintes actividades:

- Locais de culto relixioso.
- Aquelas outras asociacións e/ou entidades de carácter público e/ou privado que tivesen recoñecido legalmente a súa condición de non lucrativas.

6º.—Asi mesmo aqueles contribuintes incluídos no epígrafe 1 desta ordenanza, podrán solicitar unha redución dun 50% da tarifa, no caso de que os contenedores para a fracción húmeda se atopen a máis de 500 metros da súa vivenda, e no suposto de que fose imposible colocar contenedores a unha distancia menor, previo recoñecemento anual dos servizos técnicos da Mancomunidade.

7º.—Con independencia do establecido nos párrafos anteriores, non serán aplicables outros beneficios fiscais que os expresamente previstos en normas con rango de lei e os derivados da aplicación de tratados internacionais.

Todas e cada unha das reducións previstas neste artigo realizaranse previa solicitude anual dos interesados/as, co correspondente informe favorable dos servizos técnicos da Mancomunidade.

#### CAPÍTULO 4º FEITO IMPOÑIBLE

##### Artigo 9º.—*DETERMINACIÓN*

A base imponible da Taxa determinarase en atención ás seguintes circunstancias:

- a) A natureza, situación e destino dos lugares ou espazos ocupados polos suxeitos pasivos, no suposto de prestación do servizo de xestión de lixo domiciliario e demais residuos sólidos asimilables.
- b) A natureza, características e intensidade do resto de servizos prestados ou actividades realizadas en materia de Hixiene pola Mancomunidade do Morrazo.

##### Artigo 10º.—*DEFINICIÓNS*

Ós efectos desta Taxa, os elementos determinantes da Base imponible que aparecen reseñados nas correspondentes tarifas, responden ás seguintes definicións:

##### *VIVENDAS:*

Domicilios de carácter familiar e pensións que non excedan de 10 prazas.

##### *ALOXAMENTOS:*

Lugares de convivencia colectiva non familiar, entre os que se inclúen hoteis, hostais, pensións, residencias, colexios e demais centros de natureza análoga, que excedan de 10 prazas.

##### *LOCAIS:*

Lugares ou establecementos susceptibles de ser adicados ó exercicio de actividades comerciais, industriais, profesionais, de servizos ou calquera outra, incluídas as de carácter meramente social efectuadas sen contraprestación económica.

##### *GRANDES ALMACÉNS:*

Aqueles nos que se exerza unha actividade de comercio ó por menor en sectores distintos ó agroalimentario, e que a súa superficie total, sen ningunha exclusión, sexa superior a 500 m<sup>2</sup>. No caso de concorrencia de calquera actividade comercial con outras agroalimentarias, calificarase ó establecemento de gran almacén cando a superficie destinada á atención ó público nas actividades comerciais sexa maior que nas agroalimentarias.

##### *FÁBRICAS E TALLERES INDUSTRIAIS:*

Establecementos onde se recibe, elabora ou transforma as materias primas en produtos elaborados ou semielaborados.

##### *GRANDES PRODUCTORES DE RESIDUOS:*

Todos os locais, actividades e en xeral suxeitos pasivos que teñan unha produción media diaria superior ós 2.000 l., ou ós 300 kg de residuos.

#### CAPÍTULO 5º COTAS TRIBUTARIAS E TARIFAS

##### Artigo 11º.—*COTA TRIBUTARIA DERIVADA DA PRESTACIÓN DO SERVICIO DE XESTIÓN DE LIXO DOMICILIARIO*

1. A cota tributaria consistirá nunha cantidade fixa, por unidade de vivenda ou local, cunha cuantía que se determinará en función da natureza, destino dos inmobles e produción media diaria de lixo. En caso de que unha vivenda e/ou local poidera estar afectado por dúas ou máis tarifas, aplicaráselle a cota máis alta.
2. As cotas esixibles pola prestación do Servizo de Xestión de Lixo son as fixadas na Tarifa nº 1 que contén o Anexo I da presente Ordenanza.

*Artigo 12º.—COTAS DERIVADAS DOUTRAS PRESTACIÓNS OU ACTIVIDADES.*

1. A cota tributaria consistirá nunha cantidade fixa, cunha contía que se determinará:
  - a) Por sinalamento específico nas Tarifas correspondentes.
  - b) Por adición das cotas parciais, correspondentes a cada unha das fases en que sexa fraccionada a prestación do servizo ou realización da actividade.
2. As cotas ás que se refire este artigo, son as fixadas nas Tarifas 2ª a 4ª desta Ordeanza.

*Artigo 13º.—TARIFAS*

As Tarifas vixentes, desglosadas nos seus diferentes epígrafes, recóllense no Anexo I da Presente Ordenanza.

Estas tarifas sufrirán un incremento anual automático igual ó IPC oficial correspondente ó ano natural anterior

**CAPÍTULO 6º  
PERÍODO IMPOSITIVO E DEVENGO**

*Artigo 14º.—PERÍODO IMPOSITIVO*

Para aquelas prestacións de servizos públicos locais establecidos con carácter permanente, xa sexan a súa execución material continúa ou esporádica, o período impositivo coincidirá co período obxecto de cobro, conforme ó disposto no artigo 16 desta ordenanza.

*Artigo 15º.1.—DEVENGO*

1º.—Devéngase a taxa e nace a obriga de contribuír dende o momento no que se inicie a prestación do Servizo ou a realización da actividade,.

2º.—En referencia á prestación do servizo de xestión do lixo domiciliario e residuos sólidos urbanos asimilables, enténdese que tal feito acontece o primeiro día de cada ano natural, cando estea establecido e en funcionamento o devandito servizo nas rúas ou lugares onde se ubiquen as vivendas, locais e aloxamentos susceptibles de ser ocupados ou utilizados polos contribuíntes suxeitos á taxa, con independencia do tempo de ocupación do local ou vivenda ó longo do ano e de que dita ocupación refírase á totalidade ou parte da finca. A tales efectos, considérase que un inmovible é susceptible de ser ocupado ou utilizado cando o mesmo dispoña de luz e auga, debendo o interesado acreditar documentalmente, no seu caso, a indisponibilidade dos citados subministrados, procedéndose, en caso de carencia de subministro eléctrico, á devolución de ingresos indebidos, previa aportación polo interesado de certificación expedida pola empresa subministradora, referida ó período no que se entendeu a devandita carencia.

*Artigo 15.2.—ALTAS E DECLARACIÓNS*

1.—Produciránse as altas no padrón de recollida do lixo de vivendas coa correspondente alta a efectos do imposto sobre bens inmoebles.

De non practicarse a correspondente declaración de alta no imposto sobre bens inmoebles, estarase incorrendo en infracción calificada como grave no artigo 79 b) da Lei 25/1995, do 20 de xullo, de modificación parcial da Lei Xeral Tributaria. Sen embargo, poderá obviarse a infracción tributaria para os efectos exclusivos da presente taxa, así como a correspondente sanción, coa presentación na Mancomunidade de instancia ou escrito no que se formula declaración de alta no padrón de taxa de recollida de lixo de vivendas.

2.—En relación con locais, comerciais, industriais ou profesionais, entenderase como declaración de alta a solicitude de preceptiva licenzia de actividades e instalacións, tendo efectos dende a data de concesión ou comezo efectivo da actividade. De iniciar unha actividade sen a preceptiva licenzia, ademais de infracción urbanística estarase incorrendo en infracción fiscal grave de conformidade co citado artigo 79 b) da Lei 25/1995. De forma excepcional, e sen prexuízo das sancións urbanísticas que procedan a Administración de Tributos da Mancomunidade admitirá declaracións de alta a efectos de recollida de lixo industrial, comercial ou profesional en instancia razoada polo suxeito titular da actividade. Desta forma pode obviarse a sanción tributaria. No caso dos traspasos de negocio, o antigo e o novo titular deberán presentar copia do cambio de titularidade no Rexistro da Mancomunidade e o impreso regulamentario para tal efecto. O incumprimento desta obriga terá así mesmo, a cualificación de infracción tributaria grave para o adquirente do negocio e infracción simple para o cedente.

3.—Os locais valeiros durante a totalidade do período impositivo tributarán como vivendas, previa solicitude dos suxeitos pasivos.

4.—Para locais que, non sendo vivendas, excepcionalmente non precisarán de licenzia de actividades e instalacións, os titulares deberá presentar formalmente declaración do exercicio da actividade no prazo dun mes desde o seu inicio a efectos da súa inclusión no Padrón da taxa.

5.—Os titulares de actividades deberán formular declaración de baixa cando cesen naquelas. O incumprimento desta obriga ten a cualificación de infracción simple.

6.—Os suxeitos pasivos desta taxa deberán cubrir as súas declaracións con indicación certa e completa do enderezo fiscal e número de identificación fiscal. A omisión de calquera dos datos anteriores terá a cualificación de infracción simple.

CAPÍTULO 7º  
INGRESO DA DÉBEDA TRIBUTARIA

*Artigo 16º.—INGRESO DEFINITIVO*

1º.—O cobro das cotas referidas na tarifa número 1 desta Ordeanza, efectuarase mediante recibo no prazo que determine a notificación ós interesados que practique a Administración de Tributos, no caso de producirse a alta no servizo. No sucesivo e sen mediar notificación a Mancomunidade publicará o período de cobranza do correspondente Padrón Fiscal desta taxa.

A xestión do cobramento efectuarase semestralmente, podendo realizarse a súa execución por entidades xestoras ou por outros medios que garantan o ingreso efectivo da taxa, con arreglo as normativa fiscal vixente.

2º.—O cobro das cotas derivadas da aplicación das restantes tarifas será realizado de forma directa polo órgano de xestión de servizo. De igual xeito procederase cando, por irregularidades urbanísticas, o inmoible non contara con subministro de auga ó cargo do servizo municipal, sin que tal recaudación supoña, de ningún xeito, convalidación das devanditas irregularidades.

*Artigo 17º.—INGRESO CAUCIONAL*

1º.—Cando a prestación do servizo ou a realización da totalidade ou de parte dos actos materiais en que se concreta a intervención administrativa se produza a petición obrigatoria de parte, o contribuínte, conforme ó establecido no artigo 26 da Lei 39/1988, quedará obrigado a depositar, no momen-

to da autorización da súa solicitude, o importe íntegro da cota correspondente á tarifa aplicable, requisito sen o cal non continuará a Administración Local na execución dos actos materiais precisos para última-lo servizo ou actividade.

CAPÍTULO 8º  
INFRACCIÓN E SANCIÓN

*Artigo 18º.—RÉXIME XERAL*

1º. En todo o relativo á cualificación das infraccións tributarias, así como das sancións que ás mesmas correspondan en cada caso, estarase ó disposto nos artigos 77 e seguintes da Lei Xeral Tributaria.

2º. A imposición de sancións non suspenderá, en ningún caso, a liquidación e cobro das cotas devengadas.

*Artigo 19º.—COMPATIBILIDADE*

A exacción das taxas que pola presente Ordenanza se establecen, non exclúe o pago das sancións ou multas que procederán por infracción da Ordenanza de Hixiene Urbana que se aprobe no seu caso e demais normativa legal vixente.

*DISPOSICIÓN FINAL*

A presente Ordenanza Fiscal, con redacción definitiva foi aprobada polo Pleno da Mancomunidade do Morrazo en sesión celebrada o 12 de decembro de 2.003, sendo de aplicación a partir do día 1 de xaneiro de 2.004, e permanecendo en vigor ata a súa modificación ou derogación.

**ORDEANZA FISCAL POR SERVICIOS E ACTIVIDADES RELACIONADOS COA HIXIENE PÚBLICA**  
ANEXO: TARIFAS

**TARIFA Nº 1: XESTIÓN DO LIXO DOMICILIARIO E RESIDUOS SÓLIDOS URBANOS ASIMILABLES**

**Epígrafe 10.—Vivendas:**

<i>Por cada vivenda ou pensión, ó ano.(1)</i>	€
A partir de 1 de xaneiro de 2004, e ate o 31 de decembro de 2004	42,00
A partir de 1 de xaneiro de 2005, e ate o 31 de decembro de 2005	50,00
A partir de 1 de xaneiro de 2006	60,00

**Epígrafe 11.—Aloxamentos e centros de ensinanza:**

<i>Concepto 1100: hoteis, moteis, hostais e hoteis-apartamentos de 4 e 5 estrelas, por cada praza e ano, euros: (cun mínimo anual de 143,38 €)</i>	15,00
<i>Concepto 1101: hoteis, moteis, hostais e hoteis-apartamentos de 3, 2 e 1 estrela, por cada praza e ano, euros: (cun mínimo anual de 143,38 €)</i>	11,38
<i>Concepto 1102: pensións de 1 e 2 estrelas e albergues xuvenís, por cada praza e ano, euros:</i>	10,70
<i>Concepto 1103: casas de hospedaxe e fondas, por cada praza ó ano, euros: (cun mínimo anual de 72,67 €)</i>	6,30
<i>Concepto 1104: campamentos de turismo, por cada praza ó ano</i>	3,44
<i>Concepto 1105: hospitais, sanatorios e demais centros sanitarios asistenciais, por cada praza, ó ano, euros: (cun mínimo de 364,12 euros anuais)</i>	29,68
<i>Concepto 1106: Centros Docentes privados, concertados e/ou públicos cuio mantemento non sexa encomendado pola lei a Administración Local; con réxime de pensión alimenticia, por cada praza ó ano, euros (cun mínimo de 313,24 €).</i>	5,90

	€
<i>Concepto 1107: Centros Docentes, privados, concertados e/ou públicos cuio mantemento non sexa encomendado pola lei a Administración Local; sen réxime de pensión alimenticia, por cada Centro, ó ano</i>	252,42
<i>Concepto 1108: Centros de ensinanza que realizan a súa actividade en locais de menos de 100 m<sup>2</sup></i>	126,21
<b>Epígrafe 12.—Locais</b>	
<i>Concepto 1200: RESTAURANTES</i>	
120000 De Categoría de Luxo	555,33
120001 De Categoría 1 <sup>a</sup>	504,85
120002 De Categoría 2 <sup>a</sup>	410,19
120003 De Categoría 3 <sup>a</sup>	328,16
120004 De Categoría 4 <sup>a</sup>	246,12
<i>Concepto 1201: CAFETERÍAS</i>	
120100 De Categoría Especial	441,74
120101 De Categoría 1 <sup>a</sup>	347,09
120102 De Categoría 2 <sup>a</sup>	283,98
120103 De Categoría 3 <sup>a</sup>	138,83
<i>Concepto 1202: BARES</i>	
120200 De Categoría Especial, epígrafe 673.1 I.A.E.	504,85
120201 Outros cafés e bares, epígrafe 673.2 I.A.E. (zona urbana)	113,59
120201 Outros cafés e bares, epígrafe 673.2 I.A.E. (resto)	94,66
<i>Concepto 1203: SALAS DE FESTAS, DISCOTECAS E SIMILARES</i>	
	504,85
<i>Concepto 1204: CÍRCULOS E CLUBES</i>	
120400 Con restaurante e/ou cafetería	315,54
120401 Os demais.	157,76
<i>Concepto 1205: CINES E SIMILARES</i>	
120500 Cines e similares.	214,56
<i>Concepto 1207 FÁBRICAS, TALLERES DE REPARACIÓN DE AUTOMÓVILES, ASERRADEIROS E GRANDES ALMACÉNS</i>	
120700 Ata 10 empregados	
120700.00 De 1 empregado	164,07
120700.01 De 2 a 4 empregados	201,94
120700.02 De 5 a 7 empregados	265,05
120700.03 De 8 a 10 empregados	315,54
120701 Máis de 10 empregados, ata 20	473,30
120702 Máis de 20 empregados, ata 50	946,60
120703 Máis de 50 empregados, ata 100	1893,19
120704 Máis de 100 empregados	3155,31
<i>Concepto 1208: MERCADOS, SUPERMERCADOS. COMERCIOS O POR MAIOR DE PRODUCTOS ALIMENTARIOS E ESTABLECEMENTOS AGROALIMENTARIOS</i>	
120800 Por cada posto fixo de venda en Mercados Municipais e galerías de alimentación:	37,86
NOTA: A concorrencia dun ou máis postos xuntos no mesmo Mercado, adicados á venda de produtos iguais, implicará a tributación polo 2º e seguintes da metade da tarifa.	
120801 Establecementos en réxime de autoservicio e mixto, distintos dos contemplados no epígrafe 661.2 da Sección 1ª das tarifas do Imposto sobre Actividades Económicas:	
120801.00 Con superficie superior a 400 m <sup>2</sup>	1893,19
120801.01 Con superficie comprendida entre 399 m <sup>2</sup> e 120 m <sup>2</sup>	946,60

	€
120801.02 Con superficie comprendida entre 120 m <sup>2</sup> e 60 m <sup>2</sup>	391,26
120801.03 Con superficie inferior a 60 m <sup>2</sup>	214,56
120802 Outros establecementos:	
120802.00 Pescaderías e carnicerías, verdulerías e froiterías	126,21
120802.01 Os demais establecementos	75,73
<i>Concepto 1209: ENTIDADES BANCARIAS E CAIXAS DE AFORROS, GASOLINERAS E ESTACIONES DE SERVICIOS</i>	
<i>Concepto 120901 Entidades Bancarias e Caixas de Aforro</i>	599,51
<i>Concepto 120902 Gasolineiras e Estacións de Servicio, por surtidor</i>	126,21
( ata un máximo de 450,76 € )	
<i>Concepto 1210: CENTROS OFICIAIS (Productores de menos de 1000 l de residuos, por día):</i>	
121000 Ata 500 m <sup>2</sup> de superficie	266,18
121001 Dende 500 m <sup>2</sup> ata 1000 m <sup>2</sup> de superficie	533,12
121002 Máis de 1000 m <sup>2</sup> de superficie	799,30
<i>Concepto 1211: LOCAIS, ESTABLECEMENTOS E TODA CLASE DE INSTALACIONES DE CARÁCTER PÚBLICO OU PRIVADO, NON COMPRENDIDOS EN CONCEPTOS ANTERIORES E GRANDES PRODUCTORES DE RESIDUOS</i>	
121100 Por cada fracción de 100 litros de residuos xerados ó día, ó ano	157,76
<small>NOTA: A efectos da notificación da cota derivada deste concepto, os obrigados ó pago deberán declara-la media de residuos xerados, previo requirimento, para iso, pola Inspección do Servicio, que poderá rectifica-las declaracións formuladas ou estimar de oficio o volume de residuos no caso de falta de declaración.</small>	
<i>Concepto 1212: DESPACHOS PROFESIONAIS</i>	
Entendenranse engadidas neste epígrafe as actividades comprendidas na sección 2ª das tarifas de IAE aprobadas xunto coas súas respectivas instrucións polo RDL 1175/1990 de 28 de setembro e polo RDL 1259/1991 de 2 de agosto.	75,73
<i>Concepto 1213: POSTOS, QUIOSCOS E CALQUERA OUTRO CON INSTALACIÓN PERMANENTE NA VÍA PÚBLICA E NON SUXEITO POR CONCEPTOS ANTERIORES DESTAS TARIFAS</i>	
	23,86
<i>Concepto 1214: DEMAIS LOCAIS E NEGOCIOS NON COMPRENDIDOS NOS EPÍGRAFES E CONCEPTOS ANTERIORES</i>	
	75,73
<i>Concepto 1215: ESTABLECEMENTOS DE CARÁCTER TEMPORAL E CASETAS DE FEIRA</i>	
121500 Os establecementos de carácter temporal abertos ou en actividade por tempo que non exceda de tres meses consecutivos ó ano, incluído-los instalados con ocasión de festas, romarías ou verbenas.	25,32
121501 Atraccións e demais establecementos similares instalados no recinto de festas:	32,27
121502 Venta ambulante, por cada día de colocación no mercado (ó trimestre):	5,80
<small>NOTA: Para a obtención do PERMISO DE OCUPACIÓN DA VÍA PÚBLICA será requisito imprescindible a presentación do recibo da última taxa trimestral de Hixiene Pública posta ó cobro.</small>	
<b>NOTA COMÚN Á TARIFA Nº 1:</b>	
<small>As cotas reseñadas nesta tarifa teñen carácter de mínimas, podendo os servizos de inspección, con comunicación e audiencia ó interesado, axustalas ó volume de residuos xerados, tomando como base para o cálculo o Concepto 121100.</small>	

**TARIFA Nº 2: POR UTILIZACIÓN DAS INSTALACIÓNS DE TRATAMENTO**

	€
<b>Epígrafe 20.—Instalacións de tratamento</b>	
<i>Concepto 2001: Polo tratamento de cada Kg de residuos sólidos clasificado nas fraccións utilizadas para recollida selectiva. O mínimo de percepción non será inferior a 2,39 €.</i>	0,022
<i>Concepto 2002: Polo tratamento de cada Kg de residuos sólidos sen clasificar. O mínimo de percepción non será inferior a 3,01 €.</i>	0,044
<i>Concepto 2003: Carga e transporte de residuos urbanos a instalacións de tratamento. Por cada Kg de residuos urbanos, euros: (cun mínimo de 33,73 €).</i>	0,099

**TARIFA Nº 3: RETIRADA, TRANSPORTE E TRATAMENTO DE ANIMAIS DA VÍA PÚBLICA**

<b>Epígrafe 30.—Por cada unidade de peso menor de 70 Kg, euros:</b>	15,44
<b>Epígrafe 31.— Por unidade de peso superior a 70 Kg, euros:</b>	49,43

**TARIFA Nº 4: POLA PRESTACIÓN DOS SERVICIOS E REALIZACIÓN DAS ACTIVIDADES REFERIDOS NO ARTIGO 2º, LETRA d)**

A cota tributaria será o resultado de aplica-lo número e entidade dos medios persoais e materiais que se utilicen na prestación do servizo, o tempo invertido, e a tarifa contida nos seguintes epígrafes e conceptos:

**Epígrafe 40.—Persoal**

<i>Concepto 4000: Técnico superior ou medio, por cada hora ou fracción</i>	43,77
<i>Concepto 4001: Encargado, Xefe, Capataz ou Inspector dos Servizos, por cada hora ou fracción</i>	20,04
<i>Concepto 4002: Conductor, Mecánico ou operario, por cada hora ou fracción</i>	12,35

NOTA Concepto 4002: Cada hora liquidada incrementaráse nun 15 % adicional en concepto de custo derivado da supervisión e dirección da actividade, se esta non se liquidara directamente por aplicación do resto de conceptos do Epígrafe 40.

**Epígrafe 41.—Materiais**

<i>Concepto 4100: O consumo de materiais computarase, previa valoración da Mancomunidade do Morrazo, a prezos de mercado.</i>	
<i>Concepto 4101: Vehículos pesados (varredora, baldeadora, compactador, excavadora, grúa, pluma ou similar) por unidade e hora, sen conductor, euros:</i>	20,04
<i>Concepto 4102: Conductor, Mecánico ou operario, por cada hora ou fracción</i>	12,35

**Epígrafe 42.- Desprazamentos**

<i>Concepto 4200: Por Km percorrido, vehículo pesado, compactadores ida e volta, euros:</i>	0,84
<i>Concepto 4201: Por Km percorrido, vehículos lixeiros.</i>	0,25

NOTA.- A débeda tributaria esixible obterase por aplicación do disposto no artigo 12.1.b) desta Ordenanza.